

Uunga siunnersuut: Ilanniarnertuunngorniartarneq pillugu Inatsisartut inatsisaata allanngortinnaa pillugu Inatsisartut inatsisaat nr. xx, xx. xxx 2020-meersoq
(Ilinniartitaanermut, Kultureqarnermut Ilageeqarnermullu Naalakkersuisoq)

Saqqummiussissut

Siullermeerneqarnera

Ilanniarnertuunngorniartarneq pillugu Inatsisartut inatsisaata allanngortinneqarnissaanik Inatsisartut inatsisissaattut siunnersuut matumuuna Naalakkersuisut sinnerlugit saqqummiuppara.

Naalakkersuisut Ilanniarnertuunngorniartarfinnik nalilersuisarneranni inatsisitigut allannguisoqartariaqartoq paasineqarmat siunnersuut pilersinneqarpoq. Siunnersuummi ilinniarfiit, taamalu ilinniartut pitsaanerusumik tunngavissinnissaat pingaarnertut siunertarineqarpoq.

Ilanniarnertuunngorniartarneq pillugu inatsit tassunga atatillugu ilinniartut piumasaat pisariaqartitaallu naapertorlugit eqaannerunissaq qulakkeerniarlugu naleqqussarneqarniarpoq.

Matumani siunnersuutigineqarpoq ilanniarnertuunngorniartarneq pillugu inatsimmi § 20-p allanngortinneqarnissa, taannalu ilinniarnermi ukumi siullermi affarmi ilinniartitsissutissat suut piumasaqaataassanerannik tunngassuteqarpoq, kiisalu ilanniarnertuunngorniarfinni ullumikkut aallaavagineqartumit ukiunit pingasunit sivikinnerusumik sivisunerusumilluuniit ilinniarsinnaasoqalernissaa. Taamaaliornikkut ilinniarnerit ilinniartunut assigiinnigsunut naleqqussarneqarsinnaalissapput taamaaliornermilu ilinniarnertuunngorniarnerit pitsaanerusumik ingerlanneqarnissaat qulakkeerneqassalluni.

Kiisalu siunnersuummi ilinniarnissamut qinnuteqartarneq, ilinniartunut siunnersortinullu atatillugu, pisariillisarniarneqarpoq.

Taakku saniatigut Ilanniarnertuunngorniartarneq pillugu inatsimmi § 65 ilinniartitsisut siunnersuisoqatigeeqartarnerannut tunngasoq tassanilu peqataasartussat, ileqqoreqqusat, ataatsimiinnerit amerlassusaat suliassallu allanngortinniarneqarput.

Taamatut oqaaseqarlunga siunnersuut Inatsisartuni suliarineqartussanngorlugu ingerlateqqippa.